

丈云吾衆中莫有人住得否對云待歷觀之
百丈乃令侍者喚第一坐來即華林和尚也問云此
人如何頭陀令誓款一聲行數步對云此人
不可又令喚典坐來脚也頭陀云此正是瀉
山主也百丈是夜召師入室囑云吾化緣在
此瀉山勝境汝當居之嗣續吾宗廣度後學
時華林聞之曰某甲忝居上首祐公何得住
持百丈云若能對衆下得一語出格當與住
持即指淨瓶問云不得喚作淨瓶汝喚作什
麼華林云不可喚作木椀也百丈不肯乃問
師師踢倒淨瓶百丈笑云第一坐輪却山子
也遂遣師往瀉山是山峭絕更無人煙師猿
猱爲伍橡栗充食山下居民稍稍知之師衆
共營梵宇連率李景讓奏號同慶寺相國裴
公休嘗咨玄奧繇是天下禪學若輻湊焉師
上堂示衆云夫道人之心質直無偽無背無
面無詐妄心行一切時中視聽尋常更無委
曲亦不閉眼塞耳但情不附物即得從上諸

攝九

三

聖只是說濁邊過患若無如許多惡覺情見
想習之事譬如秋水澄淨清淨無爲澹泞無
礙喚他作道人亦名無事之人時有僧問頗
悟之人更有修否師云若真悟得本他自知
時修與不修是兩頭語如今初心雖從緣得
一念頓悟自理猶有無始曠劫習氣未能頓
淨須教渠淨除現業流識即是修也不道別
有法教渠修行趣向從聞入理聞理深妙心
自圓明不居感地縱有百千妙義抑揚當時
此乃得坐披衣自解作活計以要言之則實
際理地不受一塵萬行門中不捨一法若也
單刀趣入則凡聖情盡體露真常理事不二
即如如佛仰山問如何是西來意師云大好
燈籠仰山云莫只這箇便是麼師云這箇是
什麼仰山云大好燈籠師云果然不識一日
師謂衆云如許多人只得大機不得大用仰
山舉此語問山下庵主云和尚恁麼道意旨
如何 庵主云更舉看仰山擬再舉被庵主

蹋倒歸舉似師師大笑師在法堂坐庫頭擊木魚火頭擲却火抄拊掌大笑師云衆中也有恁麼人喚來問作麼生火頭云某甲不喫粥肚飢所以喜歡師乃點頭東使開云將人山龍云將人普請摘茶師謂仰山曰終日摘茶只聞子聲不見子形請現本形相見仰

山撼茶樹師云子只得其用不得其體仰山云未審和尚如何師良久仰山云和尚只得其體不得其用師云放子二十棒玄覺云且麼師上堂有僧出云請和尚爲衆說法師云我爲汝得徹困也僧禮拜後人舉似雪峯雪峯聞之乃問玄沙云山頭和尚過古人得恁麼

事處玄沙云大小滿山被那僧師謂仰山曰一問得百雜碎雪峯駭之乃休師謂仰山曰寂子速道莫入陰界仰山云慧寂信亦不立師云子信了不立不信不立仰山云只是慧寂更信阿誰師云若恁麼即是定性聲聞仰山云慧寂佛亦不見師問仰山涅槃經四卷多少佛說多少魔說仰山云總是魔說師

振九

四

云已後無人奈子何仰山云慧寂即一期之事行履在什麼處師云只貴子眼正不說子行履仰山蹋衣次提起問師云正恁麼時和尚作麼生師云正恁麼時我這裏無作麼生仰山云和尚有身而無用師良久却拈起問汝正恁麼時作麼生仰山云正恁麼時和尚

還見伊否師云汝有用而無身此語是二師忽問仰山汝春間有話未圓今試道看仰山云正恁麼時切忌勃塑師云停囚長智師一日喚院主院主來師云我喚院主汝來作什麼院主無對曹山代云也知又令侍者喚第一坐第一坐來師云我喚第一坐汝來作什

麼亦無對曹山代云若令侍者喚恐不師問新到僧名什麼僧云名月輪師作一圓相問何似這箇僧云和尚恁麼語話諸方大有人不肯在師云貧道即恁麼聞梨作麼生僧云還見月輪麼師云聞梨恁麼道此間大有人不肯諸方師問雲巖云聞汝久在藥山是否

巖云是師云藥山大人相如何雲巖云涅槃後有師云涅槃後有如何雲巖云水灑不著雲巖却問師百丈大人相如何師云巍巍堂堂煒煒煌煌聲前非聲色後非色蚊子上鐵牛無汝下紫處師過淨瓶與仰山仰山擬接師却縮手云是什麼仰山云和尚還見箇什

振九

五

麼師云若恁麼何用更就吾覓仰山云雖然如此仁義道中與和尚提瓶挈水亦是本分事師乃過淨瓶與仰山師與仰山行次指栢樹子問云前面是什麼仰山云只這箇栢樹子師却指背後田翁云這阿翁向後亦有五百衆師問仰山從何處歸仰山云田中歸師云禾好刈也未仰山云好刈也師云作青見作黃見作不青不黃見仰山云和尚背後是什麼師云子還見麼仰山拈起禾穗云和尚何曾問這箇師云此是鷄王擇乳冬月師問仰山天寒人寒仰山云大家在這裏師云何不直說仰山云適來也不曲和尚如何師云

直須隨流有僧來禮拜師作起勢僧云請和尚不起師云老僧未曾坐僧云某甲亦未曾禮師云何故無禮僧無對同安代云石霜會下有二禪客到云此間無一人會禪後普請般柴仰山見二禪客歇將一椀柴問云還道得麼俱無語仰山云莫道無人會禪好歸舉

似瀉山云今日二禪客被慧寂勘破師云什麼處被子勘破仰山便舉前話師云寂子又被吾勘破雲居錫云什麼處是師睡次仰山問訊師便迴面向壁仰山云和尚何得如此師起云我適來得一夢汝試為我原看仰山取一盆水與師洗面少頃香巖亦來問訊師

云我適來得一夢寂子原了汝更與我原看香巖乃點一椀茶來師云二子見解過於鶩子僧云不作瀉山一頂笠無由得到莫徭村如何是瀉山一頂笠師即蹋之師上堂示衆云老僧百年後向山下作一頭水牯牛左脇書五字云瀉山僧某甲此時喚作瀉山僧又

是水牯牛喚作水牯牛又云瀉山僧喚作什
 麼即得雲居代云師無異號資福代作圓相
 身兩號實難識却兩頭應須道如何道得出常流道不道牛一
 十餘年達者不可勝數入室弟子四十一人
 唐大中七年正月九日盥漱敷坐怡然而寂
 壽八十三臘六十四塔于本山勅謚大圓禪

振九

六

師塔曰清淨 洪州黃蘗希運禪師閩人也
 幼於本州黃蘗山出家額間隆起如肉珠音
 辭朗潤志意冲澹後遊天台逢一僧與之言
 笑如舊相識熟視之目光射人乃偕行屬澗
 水暴漲乃捐笠植杖而止其僧率師同渡師
 曰兄要渡自渡彼即褰衣躡波若履平地迴

顧云渡來渡來師曰咄這自了漢吾早知當
 斫汝脛其僧數曰真大乘法器我所不及言
 訖不見師後遊京師因人啓發乃往叅百丈
 問曰從上宗乘如何指示百丈良久師云不
 可教後人斷絕去也百丈云將謂汝是箇人
 乃起入方丈師隨後入云某甲特來百丈云

若爾則他後不得辜負吾百丈一日問師什
 麼處去來曰大雄山下採菌子來百丈曰還
 見大蟲麼師便作虎聲百丈拈斧作斫勢師
 即打百丈一搥百丈吟吟大笑便歸上堂謂
 衆曰大雄山下有一大蟲汝等諸人也須好
 看百丈老漢今日親遭一口師在南泉時普

請擇菜南泉問什麼處去曰擇菜去南泉曰
 將什麼擇師舉起刀子南泉云只解作賓不
 解作主師扣三下一日南泉謂師曰老僧偶
 述牧牛歌請長老和師云某甲自有師在師
 辭南泉門送提起師笠子云長老身材勿量
 大笠子太小生師云雖然如此大千世界摠

振九

七

在裏許南泉云王老師亦師便戴笠子而去
 後居洪州大安寺海衆奔湊裝相國休鎮宛
 陵建大禪苑請師說法以師酷愛舊山還以
 黃蘗名之又請師至郡以所解一篇示師師
 接置於坐略不披閱良久云會麼公云未測
 師云若便恁麼會得猶較些子若也形於紙

墨何有吾宗裴乃贈詩一章曰 自從大士傳心印額有圓珠七尺身挂錫十年棲蜀水浮盃今日渡漳濱一千龍象隨高步萬里香華結勝因擬欲事師為弟子不知將法付何人 師亦無喜色自爾黃蘗門風盛于江表矣一日上堂大衆雲集乃曰汝等諸人欲何

所求因以棒趁散云盡是喫酒糟漢恁麼行脚取笑於人但見八百一十人處便去不可只箇熱鬧也老漢行脚時或遇草根下有一箇漢便從頂上一錘看他若知痛痒可以布袋盛米供養可中揔似汝如此容易何處更有今日事也汝等既稱行脚亦須著些精神

好還知道大唐國內無禪師麼時有一僧出問云諸方尊宿盡聚衆開化為什麼道無禪師師云不道無禪只道無師闍梨不見馬大師下有八十四人坐道場得馬師正眼者止三兩人廬山和尚是其一人夫出家人須有從上來事分且如四祖下牛頭融大師橫說

豎說猶未知向上關隸子有此眼腦方辨得邪正宗黨且當人事寔不能體會得但知學言語念向皮袋裏安著到處稱我會禪還替得汝生死麼輕忽老宿入地獄如箭我才見入門來便識得汝了也還知麼急須努力莫容易事持片衣口食空過一生明眼人笑汝

久後揔被俗漢算將去在且自看遠近是阿誰面上事若會即便會若不會即散去問如何是西來意師便打自餘施設皆被上機中下之流莫窺涯涘唐大中年終於本山勅謚斷際禪師塔曰廣業 杭州大慈山寰中禪師蒲坂人也姓盧氏頂骨圓聳其聲如鍾少

板九

八

丁母憂廬于墓所服闋思報罔極於并州童子寺出家嵩嶽登戒習諸律學後參百丈受心印辭往南嶽常樂寺結茅于山頂一日南泉至問如何是庵中主師云蒼天蒼天南泉云蒼天且置如何是庵中主師云會即便會莫切切南泉拂袖而出後住浙江此大慈山

上堂云山僧不解答話只能識病時有一僧

出師前立師便下座歸方丈法眼云衆中不識玄覺云且道大慈識病不識病在日前不

識玄覺云且道大慈識病不識病在日前不

是病不是病若言是病每日行住不可認是

病若言不是病若言是病每日行住不可認是

趙州問般若以何為體師

云般若以何為體趙州大笑而出師明日見

趙州掃地問般若以何為體趙州置筵拈掌

大笑師便歸方丈有僧辭師云去什麼處僧

云暫去江西師云我勞汝一段事得否僧云

和尚有什麼事師云將取老僧去僧云更有

過於和尚者亦不能將得去師便休其僧後

舉似洞山洞山云聞梨爭合恁麼道僧云和

尚作麼生洞山云得法眼別云和尚若洞山

又問其僧大慈別有什麼言句僧云有時示

衆云說得一丈不如行取一尺說得一尺不

如行取一寸洞山云我不恁麼道僧云作麼

生洞山云說取行不得底行取說不得底云行時無說路說時無行路不說不行時合

俱不到即後屬唐武宗廢教師短褐隱居大

中壬申歲重剎染大揚宗旨咸通三年二月

十五日不疾而逝壽八十三臘五十四僖宗

謚性空大師定慧之塔 天台平田普岸禪

師洪州人也於百丈門下得旨後聞天台勝

樂聖賢間出思欲高蹈方外遠追遐躅乃結

茅菴草宴寂林下日居月諸為四衆所知創

建精藍號平田禪院焉有時謂衆曰神光不

昧萬古徽猷入此門來莫存知解有僧到參

師打一拄杖其僧近前把住拄杖師曰老僧

適來造次僧却打師一拄杖師曰作家作家

僧禮拜師把住曰是闍梨造次僧大笑師曰

追箇師僧今日大敗也有偈示衆曰 大道

虛曠常一真心善惡勿思神清物表隨緣飲

啄更復何為終于本院今山門有遺塔存焉

皇朝重加修飾賜額曰壽昌岸禪師即壽昌

開山和尚也 筠州五峯常觀禪師有僧問

如何是五峯境師云險僧云如何是境中人

師云塞有僧辭師云闍梨向什麼處去僧云

臺山去師豎起一指云若見文殊了却來這裏與汝相見僧無對師問一僧汝還見牛麼僧云見師云見左角見右角僧無對師自代云見無左右仰山別云還又有僧辭師云汝去諸方莫謗老僧在這裏僧云某甲不道和尚在這裏師云汝道老僧在什麼處僧豎起

一指師云早是謗老僧也 潭州石霜山性空禪師僧問如何是西來意師曰若人在千尺井中不假寸繩你若出得此人即答汝西來意僧曰近日湖南暢和尚出世亦爲人東語西話師喚沙弥拽出死屍著沙弥即沙弥後舉問耽源如何出得井中人耽源曰吐痰

漢誰在井中仰山後問馮山如何出得井中人馮山乃呼慧寂寂應諾馮山曰出也及住仰山嘗舉前語謂衆曰我在耽源處得名馮山處得地 福州大安禪師者本州人也姓陳氏幼於黃蘗山受業聽習律乘嘗自念言我雖勤苦而未聞玄極之理乃孤錫遊方將

振九

十

往洪井路出上元逢一老父謂師曰師往南昌當有所得師即造于百丈礼而問曰學人欲求識佛何者即是百丈曰太似騎牛覓牛師曰識後如何百丈曰如人騎牛至家師曰未審始終如何保任百丈曰如牧牛人執杖視之不令犯人苗稼師自茲領旨更不馳求

同參祐禪師創居馮山也師躬耕助道及祐禪師歸寂衆請接踵住持師上堂云汝諸人惣來就安求覓什麼若欲作佛汝自是佛而却傍家走忽忽如渴鹿趁陽焰何時得相應去阿你欲作佛但無如許多顛倒攀緣妄想惡覺垢欲不淨衆生之心則汝便是初心正覺佛更向何處別討所以安在馮山三十來年喫馮山飯屑馮山屎不學馮山禪只看一頭水牯牛若落路入草便牽出若犯人苗稼即鞭撻調伏既久可憐生受人言語如今變作箇露地白牛常在面前終日露迥迥地趨亦不去也汝諸人各自有無價大寶從眼門

放光照山河大地耳門放光領覽一切善惡音響六門晝夜常放光明亦名放光三昧汝自不識取影在四大身中內外扶持不教傾側如人負重檐從獨木橋上過亦不教失脚且是什麼物任持便得如是汝若覓毫髮即不見故志公和尚云內外追尋覓摠無境上

板九

士

施為渾大有問一切施為是法身用如何是法身師云一切施為是法身用僧云離却五蘊如何是本來身師云地水火風受想行識僧云這箇是五蘊師云這箇異五蘊問此陰已謝彼陰未生時如何師云此陰未謝那箇是大德僧云不會師云若會此陰便明彼陰問大用現前不存軌則時如何師云汝用得但用僧乃脫膊遶師三匝師云向上事何不道取僧擬開口師便打云這野狐精出去有僧上法堂顧視東西不見師乃云好箇法堂只是無人師從門裏出云作麼無對雪峯和尚因入山采得一枝木其形似蛇於背上題

云本自天然不假雕琢寄來與師師云本色住山人且無刀斧痕人問師佛在何處師云不離心又云雙峯上人有何所得師云法無所得設有得本無得有僧問云黃巢軍來和尚向什麼處迴避師云五蘊山中僧云忽被他捉著時如何師云惱亂將軍師大化閩城二十餘載唐中和三年十月二十二日歸黃檗寺示疾而終塔于楞伽山勅謚圓智禪師證真之塔 福州古靈神讚禪師本州大中寺受業後行脚遇百丈開悟却迴本寺受業師問曰汝離吾在外得何事業曰並無事業遂遣執役一日因澡浴命師去垢師乃拊背曰好所佛殿而佛不聖其師迴首視之師曰佛雖不聖且能放光其師又一日有窓下看經蜂子投窓紙求出師覩之曰世界如許廣闊不肯出鑽他故紙驢年出得其師置經問曰汝行脚遇何人吾前後見汝發言異常師曰某甲蒙百丈和尚指箇歇處今欲報

慈德耳其師於是告衆致齋請師說法師登座舉唱百丈門風乃曰靈光獨耀迥脫根塵體露真常不拘文字心性無染本自圓成但離妄緣即如如佛其師於言下感悟曰何期垂老得聞極則事師後住古靈聚徒數載臨遷化剃沐聲鐘告衆曰汝等諸人還識無聲

振九

十三

三昧否衆曰不識師曰汝等靜聽莫別思惟衆皆側聆師儼然順寂塔存本山焉

廣州和安寺通禪師者婺州雙林寺受業自幼寡言時人謂之不語通也因禮佛有禪者問云座主禮底是什麼師云是佛禪者乃指像云這箇是何物師無對至夜具威儀禮問

禪者云今日所問某甲未知意旨如何禪者云座主幾夏耶師云十夏禪者云還曾出家也未師轉茫然禪者云若也不會百夏奚爲禪者乃命師同參馬祖行至江西馬祖已圓寂乃謁百丈頓釋疑情有人問師是禪師否師云貧道不曾學禪師良久却召其人其人

應諾師指椶櫚樹子其人師一日令仰山將牀子來仰山將到師云却送本處仰山從之師云牀子那邊是什麼物仰山云無物師云這邊是什麼物仰山云無物師召云慧寂仰山云諾師云去 江州龍雲臺禪師有僧問如何是祖師西來意師云老僧昨夜欄裏失

却牛 京兆衛國院道禪師僧到參師問何

方來僧云湘南來師云黃河清未僧無對代云小小狐兒要

過但知過用疑作什麼師因疾有人來問疾

師不出其人云久聆和尚道德忽承法體違

和請和尚相見師將鉢鎖盛鉢楷令侍者擎

出呈之其人無對 鎮州萬歲和尚僧問大

振九

十三

衆雲集合譚何事師云序品第一歸宗柔到

洪州東山慧和尚遊山見一巖僧問云此巖

有主也無師云有僧云是什麼人師云三家

村裏覓什麼其僧又問如何是巖中主師云

還氣急麼有小師行脚迴師問汝離吾在外

多少時耶小師云十年師云不用指東直道指西

將來小師云對和尚不敢謾語師喝云這打野捩漢清田和尚一日與瑫上座煎茶次師敲繩牀三下瑫亦敲三下師云老僧敲有箇善巧上座敲有何道理瑫曰某甲敲有箇方便和尚敲作麼生師舉起盞子瑫云善知識眼應湏恁麼煎茶了瑫却問和尚適來舉起盞子意作麼生師云不可更別有也大干和尚尚與南用到茶堂見一僧近前不審用云我既不納汝汝亦不見我不審阿誰僧無語師云不得平白地恁麼問伊用云大于亦無語師乃把其僧云是你恁麼累我亦然打一摑用便笑曰朗月與青天侍者到看師問云金剛正定一切皆然秋去冬來且作麼生侍者云不妨和尚借問師云即今即得去後作麼生侍者云誰敢問著某甲師云大于還得麼侍者云猶要別人點檢在師云輔弼宗師不廢光彩侍者禮拜

前虔州西堂藏禪師法嗣 虔州處微禪師

僧問三乘十二分教體理得妙與祖師意為同為別師云恁麼即湏向六句外鑒不得隨他聲色轉僧曰如何是六句師曰語底默底不語不默揔是揔不是汝合作麼生僧無對師問仰山汝名什麼對曰慧寂師曰那箇是慧那箇是寂曰只在目前師曰猶有前後在寂曰前後且置和尚見什麼師曰喫茶去

前蒲州麻谷山寶徹禪師法嗣
壽州良遂禪師初參麻谷麻谷召曰良遂師應諾如是三召三應麻谷曰這鈍根阿師師方省悟乃曰和尚莫謾良遂若不來禮拜和尚幾空過一生麻谷可之

振九 十四

前湖南東寺如會禪師法嗣
吉州薯山慧超禪師洞山來禮拜次師曰汝已住一方又來這裏作麼對曰良价無奈疑何特來見和尚師召良价价應諾師曰是什麼价無語師曰好箇佛只是無光焰

京兆章敬寺懷惲禪師法嗣

京兆大薦福寺弘辯禪師唐宣宗問禪宗何有南北之名師對曰禪門本無南北皆如來以正法眼付大迦葉展轉相傳至二十八祖菩提達磨來遊此方爲初祖暨

第五祖弘忍大師在蘄州東山開法時有二弟子一名慧能受衣法居嶺南爲六祖一名

神秀在北楊化其後神秀門人普寂立本師爲第六祖而自稱七祖其所得法雖一而開導發悟有頓漸之異故曰南頓北漸非禪宗本有南北之號也帝曰云何名戒師對曰防非止惡謂之戒帝曰何爲定對曰六根涉境心不隨緣名定帝曰何爲慧對曰心境俱空

照覽無惑名慧帝曰何爲方便對曰方便者隱實覆相權巧之門也被接中下曲施誘迪謂之方便設爲上根言捨方便但說無上道者斯亦方便之譚乃至祖師玄言忘功絕語亦無出方便之迹帝曰何爲佛心對曰佛者西天之語唐言覺謂人有智慧覺照爲佛心

振九

十五

心者佛之別名有百千異號體唯其一本無形狀非青黃赤白男女等相在天非天在人非人而現天現人能男能女非始非終無生無滅故號靈覺之性如陛下日應萬機即是陛下佛心假使千佛共傳而不念別有所得也帝曰如今有人念佛如何對曰如來出世爲天人師善知識隨根器而說法爲上根者開最上乘頓悟至理中下者未能頓曉是以佛爲韋提希權開十六觀門令念佛生於極樂故經云是心是佛是心作佛心外無佛佛外無心帝曰有人持經念佛持咒求佛如何對曰如來種種開讚皆爲最上一乘如百川衆流莫不朝宗于海如是差別諸數皆歸薩婆若海帝曰祖師既契會心印金剛經云無所得法如何對曰佛之一化實無一法與人但示衆人各各自性同一法寶咸當時然燈如來但印釋迦本法而無所得方契然燈本意故經云無我無人無衆生無壽者是法平

等修一切善法不住於相帝曰禪師既會祖
 意還禮佛轉經否對曰沙門釋子禮佛轉經
 蓋是住持常法有四報焉然依佛戒修身參
 尋知識漸修梵行履踐如來所行之迹帝曰
 何為頓見何為漸修對曰頓明自性與佛同
 儔然有無始染習故假漸修對治令順性起
 用如人喫飯不一口便飽是日辯師對七刻
 賜紫方袍號圓智禪師仍勅修天下祖塔各
 令守護 福州龜山智真禪師者揚州人也
 姓柳氏受業於本州華林寺唐元和元年潤
 州丹徒天香寺受戒不習經論唯慕禪那初
 謁惲禪師惲問曰何所而至真曰至無所至
 來無所來惲雖默然真亦自悟尋抵婺州五
 洩山會正原禪伯長慶二年同遊建陽受郡
 人葉玠請居東禪至開成元年往福州長谿
 邑人陳亮黃瑜請於龜山開期一日示眾曰
 動容眴目無出當人一念淨心本來是佛乃
 說偈曰

心本絕塵何用洗身中無病豈求

振九

十六

醫欲知是佛非身處明鑑高懸未照時
 後值武宗澄汰有偈二首示眾曰
 明月分形處處新白衣寧墜解空人誰言在
 俗妨修道金粟曾為長者身 其二曰
 忍僊林下坐禪時曾被歌王割截支況我聖
 朝無此事只令休道亦何悲 暨宣宗中興
 乃不復披緇咸通六年終于本山壽八十四
 臘六十勅謚歸寂禪師塔曰秘真 朗州東
 邑懷政禪師仰山來參師問汝何處人仰山
 曰廣南人師曰我聞廣南有鎮海明珠是否
 仰山曰是師曰此珠何形狀仰山曰白月即
 現師曰汝將得來否仰山曰將得來師曰何
 不呈似老僧看仰山曰昨到瀉山亦就慧寂
 索此珠直得無言可對無理可宣師曰真師
 子兒大師子吼 金州操禪師一日請米和
 尚齋不排座位米到展坐具禮拜師下禪牀
 米乃就師位而坐師却席地而坐齋訖米便
 去侍者曰和尚受一切人欽仰今日座位被

人奪却師曰三日若來即受救在米果三日

後來云前日遭賊僧問鏡清古人遭賊不見

方鑿頭朗州古堤和尚尋常見僧來每云去汝

無佛性僧無對或有對者莫契其旨一日仰

山慧寂到參師云去汝無佛性寂叉手近前

應諾師笑日子什麼處得此三昧寂曰我從

為山得寂問曰和尚從誰得師曰我從章敬

得河中公畿和尚僧問如何是道如何是

禪師云有名非大道是非俱不禪欲識此中

意黃葉止帝錢

十七末

景德傳燈錄卷第九

振九

憚反委粉劫反楚亮欬反口蓋揆反施沒反徒踴反浪夔反正

反孫反奴刀椽反音連反下率反所抄反楚交反二煒反音煌反二皇反音

背反即委掣反詰結反其脛反形定反音菌反音啾反乃倚反下漲反音

帳反起褰反衣禱反音脛反形定反音菌反音啾反乃倚反下漲反音

潭反水涘反史反反也闕反苦也反也笈反止酉反音躅反厨玉反音薤反音替反音

也反也除反音草反音肩反音膊反音拊反雙父反音搜反音攔反音下反音音反音間反音反反音玢反音申反音

反汰音太畿音祈鎖音鎖藪音藪播音播又音踏反他刀

景德傳燈錄卷第十 振十

懷讓禪師第三世下卷六十一人

池州南泉普願禪師法嗣二十七人見二

湖南長沙景岑禪師 荆南白馬曇照禪師

終南山雲際師祖禪師 鄧州香嚴下堂義端禪師

趙州東院從諗禪師 池州靈鷲閑禪師

鄂州茱萸山和尚 衢州子湖利蹤禪師

洛京嵩山和尚 日子和尚 蘇州西禪和尚

池州行者甘贄資山存制禪師

宣州刺史陸巨已上人無機綠語均不禪師

杭州鹽官齊安禪師法嗣八人見三錄

襄州關南道常禪師 洪州雙嶺玄真禪師